

續資治通鑑長編
(136冊)



續資治通鑑長編卷七

宋 李燾 撰

太祖

乾德四年春正月丁卯朔御文明殿受朝

乙亥遣中使葬樞密直學士趙逢妻朱氏時逢權知閬州上聞其妻病死京師故令官給葬事逢性慘酷其在閬州會賊蠡起攻逼州城逢捍禦有功及事平誅滅者近千家

丙子遣供奉官都知曹守琪

守琪未見

等分詣江陵鳳翔賜

偽蜀羣臣家屬錢帛疾病者給以醫藥

丙戌詔三司鹽鐵度支戶部判官除各行本司公事外自今應有改移制置支撥折科增減條流轉輸供億凡

干起請並繫商量切在從長務令允當若或事未諳詳
理須詢訪卽宜關牒以問別司別司纔受公文便須盡
理回報具明可否方得施行苟涉稽違當行黜責若或
因而更改頗協便宜仍具奏聞並充課績若在省曾徧
咨謀報猶未決卽許牒逐路轉運使問其利害其轉運
司承受公文亦準此應報或當軍期不在此例應三司
使或有行遣未當本判官並須執諮如事理顯明不肯
依據卽許面取進止或事有已經敷揚稱奉旨施行者
若未通便亦許指陳或本司判官避事不言仍許別部
判官及逐路轉運使直具利害聞奏賞罰之典斷在必
行應逐司判官各置厯批書課績與判使通置每至年
終當議考較黜陟或明知利害而循默不言便當舉行

不須歲終應三司各置推官一員令總斷逐司公案兼
專掌勾司公事仍別給印應三司使如點檢得判官等
起請行遣不當公事亦置厯批書諸道轉運使如見三
司行下公事有不便於民者許直具事狀以聞不得隱
避其所行公事及申奏起請改正條件亦仰置厯批上
逐季進呈以憑校定考第明行黜陟

丁亥以客省使丁德裕爲西川都巡檢使與引進副使
王班內班都知張嶼同領兵數千人赴西川時全師雄
之黨猶未殄滅也

張嶼未見

己丑幸迎春苑宴射

詔達州僞蜀時刺史於部下無

名科率並罷之

北漢入寇命西北諸鎮出兵禦之

是月契丹又侵易州監軍任德義

德義未見

擊走之令關南

兵馬都監及雄霸瀛鄭等州刺史勒所部兵校獵於幽

州境上以耀威武

此據國史契丹傳本紀但書關南及四州耀武事不書任德義事乃於開

寶曆四年正月始書德義事恐本紀誤也

二月癸卯上親視宮城版築遂幸北園宴射

丙辰安國節度使羅彥瓌言與西上閣門副使田欽祚

大破北漢軍於靜陽砦斬首千餘級擒其將鹿英等獲

馬三百匹兵仗三萬餘于闐國王遣其子德從來貢

方物

初渝州賊杜承襲劫眾圍州城外援不至判官卞震躬

率士卒拒守為流矢所中有詔襲之創甚不能臨軍而

州兵重傷卷甲宵遁刺史陳守習

守習未見

通判氏居方遂

降賊承襲入據州署以偽官厚賄誘震震皆斬其使因

遣人說賊黨陳章述朝廷威德諭以禍福章者本州校也既懼且信伏兵擊承襲承襲雅不爲備眾遂大潰震與守習等分部餘賊討平之既而有司言守習居方嘗失守降賊當死震以前功得贖丁巳守習爲淄州教練使免居方官震成都人也

卞震傳以陳守習爲陳文襲今從實錄

辛酉令西北諸州俘獲北漢生口並給以田及農具種食權知貢舉王祐言進士合格者六人諸科合格者九人上恐其遺才復令於不中選人內取其優長者第而升之

甲子賜西川諸州今年夏租之半無苗者復之岳州言火焚衙署倉廩庫務居民廬舍殆盡

三月癸酉詔廢義倉以民重疊供輸復成勞擾故也

甲戌始賜百官薪火 占城國遣使朝貢

乙亥殿前都虞候楊義暴疾失音上幸其第賜錢二百萬命掌軍如故義忠直無他腸故上委任之不疑雖不能言而指顧之間眾皆稟令軍政肅然有童奴田玉者善揣度義意每上前奏事及對賓客或戒敕部下義必回顧玉畫掌中爲字玉盡曉焉因代義開說皆如義所欲

己卯淮南諸州言江南飢民數千人來歸令所在發廩賑之 賜沿邊將士薑茶

癸未詔川峽諸州長吏察民有僞蜀日所輸煩苛詔所未蠲者悉便宜除之 僧行勤等一百五十人請遊西域詔許之仍賜錢三萬遣行

乙酉幸玉津園令衛士騎射賜從官飲

大理正高繼

申

繼申未見

言準刑統三品五品七品以上官親屬犯罪各

用蔭減贖伏恐年代已深子孫不肖爲先代曾有官品
不畏憲章欲請自今犯罪人用祖父親屬蔭減贖者卽
須祖父曾任皇朝官據品秩得使前代官卽須有功及
國有惠及民爲時所推官及三品以上者方可從之
夏四月丁酉占城國王悉利馳盤遣使貢方物 禁荆
湖諸州造蠱厭

庚戌修崇元殿成改曰乾元殿召近臣諸軍校觀之賜

近臣器幣軍校帛役夫錢

前絳州防禦使彭城郭廷

謂

延謂初見顯德四年

爲靜江畱後權知梓州僞蜀時有莊屯戶

專腳戶皆直隸州將鷹鵠戶日獻雉兔田獵戶歲入皮

革又有鄉將都將等互擾閭里延謂至悉除之

壬子罷光州歲貢鷹鵠放養鷹戶

丁巳契丹天德節度使于延超與其子仁愛來降以延

超延超見仁愛未見為右千牛衛大將軍領天德節度使實錄於庚申始

載延超除右千牛衛大將軍今并書于此河南府進士李靄案宋史及薛應旂續通鑑

皆作李靄決杖配沙門島靄不信釋氏嘗著書數千言號滅

邪集又輯佛書綴為衾裯為僧所訴河南尹表其事故

流竄焉

戊午以兩浙衙內都指揮使台州團練使錢惟治領甯

遠節度使依前兩浙衙內都指揮使惟治吳越王俶之

長子也

庚申幸燕國長公主第視疾

辛酉詔以江南游饑許沿江百姓過江樵採貿易獨商

旅禁之如故

本紀在七月
今從實錄

是月詔曰出納之吝謂之有司儻規致於羨餘必深務

於掊克知光化軍張全操

全操未見

上言三司令諸處場院

主吏有羨餘粟及萬石芻五萬束以上者上其名請行

賞典此苟非掊納民租私減軍食亦何以致之宜追寢

其事勿復頒行除官所定耗外嚴加禁之

食貨志載此
詔於乾德四

年四月不得其日張全操江東人再
兄與國二年二月疑卽此全操也

五月乙丑朔詔川峽諸州僞蜀政令有煩苛刻削害及

民者累詔禁止蠲除之吏或不能遵守奉行未忍悉置

於罪自今其勿復令部曲主掌事務及於部內貿易與

民爭利違者論如律

庚午幸玉津園宴射

癸酉始令諸司法物以文繡易彩繪 唐主遣使來貢

賀文明殿成也

甲戌光祿少卿郭玘棄市玘知衛州以賊聞詔左拾遺

袁仁鳳鞫其事罪不至死又遣左拾遺張純覆實乃寘

于法

仁鳳純未見

先是上遣右拾遺孫逢吉

逢吉未見

至成都收偽蜀圖書法

物乙亥逢吉還所上法物皆不中度悉命焚毀圖書付

史館孟昶服用奢僭至於溺器亦裝以七寶上遽命碎

之曰自奉如此欲無亡得乎上躬履儉約常衣澣濯之

衣乘輿服用皆尚質素寢殿設青布緣葦簾宮闈帟幕

無文采之飾嘗出麻屨布裳賜左右曰此我舊所服用

也開封尹光義因侍宴禁中從容言陛下服用太草草
上正色曰爾不記居甲馬營中時耶 上初命宰相譔

前世所無年號以改今元既平蜀蜀宮人有入掖廷者
上因閱其奩具得舊鑑鑑背有乾德四年鑄上大驚出
鑑以示宰相曰安得已有四年所鑄乎皆不能答乃召

學士陶穀實儀問之儀曰此必蜀物昔偽蜀王衍有此
號當是其歲所鑄也上乃悟因嘆曰宰相須用讀書人

由是益重儒臣矣趙普初以吏道聞寡學術上每勸以

讀書普遂手不釋卷

此事不知果何時既無所繫因
附見收偽蜀圖書法物之後

上性嚴重寡言獨喜觀書雖在軍中手不釋卷聞人間
有奇書不吝千金購之顯德中從世宗平淮甸或譖上

於世宗曰趙某下壽州私所載凡數車皆重貨也世宗

遣使驗之盡發籠篋唯書數千卷無他物世宗亟召上諭曰卿方爲朕作將帥闢封疆當務堅甲利兵何用書爲上頓首曰臣無奇謀上贊聖德濫膺寄任常恐不逮所以聚書欲廣聞見增智慮也世宗曰善

丙子詔西川幕職州縣官科錢先以他物折充者自今並給實俸

丁丑令諸州長吏察民有父母親屬疾病不視醫藥者

深懲之

實錄但指西川今從本紀

庚寅上親試制科舉人姜涉等於紫雲樓下從容謂翰林學士承旨陶穀曰則天一女主耳雖刑罰枉濫而終不殺狄仁傑所以能享國者良由此也因論前代帝王得失日晡乃罷涉等所試文理疎略不應策問並賜酒

食遣之

保甯畱後虎捷左右廂都虞候權知侍衛步軍司事王繼勳恃恩驕恣爲部曲所訟付中書鞫實六月己亥奪其軍職命左金吾衛大將軍杜審瓊代之以繼勳爲彰國畱後左拾遺權知濰州徐雄坐隱官物除名流沙門島

甲辰河決澶州觀城流入大名境壞民廬舍王全斌

破賊帥全師雄於灌口寨擒其黨二千人師雄以眾趨

金堂新舊錄並不著此事本紀於河決觀城下即書之

十三日丙午本紀載私養宦者詔與實錄同其間獨無

乙巳然則全斌破師雄亦當是十一日甲辰乎更須詳

考平蜀實錄載全師雄以二年十一月二
丙午詔內官及三十以上乃許養一子士庶不得以童

男養爲宦者 澧州刺史白全紹免官以縱紀綱於部

內擾民規財故也

丁未詔西川轉運使沈義倫於成都寫金銀字金剛經傳至闕下

辛亥南州蠻進銅鼓一請內附

甲寅契丹橫海節度使桑進興

進興未見

來降以進興爲左

千牛衛將軍于塔坦國天王娘子及宰相允越皆遣使

來修貢

國史及會要俱稱四年夏因附此新舊錄無之

秋七月乙丑詔自今諸州吏民不得卽詣京師舉畱節

度觀察防禦團練使刺史知州通判幕職州縣官若實

以治行尤異固欲借畱或請立碑頌者許本處陳述奏

以換裁

丙寅詔自京至成都沿路州縣有僞蜀職官將吏及其親屬疾病者所在給醫藥賜以錢帛

戊辰王全斌言西南夷首領兼霸州刺史董景等內附

案宋史及薛應旂續通鑑皆作董景

己巳幸造船務又幸開封尹北園宴射

癸酉賜西川行營將士錢帛有差

甲戌以前永州刺史晉陽安守忠爲漢州刺史守忠初護屯田兵於河陰王師克興元上召守忠謂曰遠俗苛虐南鄭走集之地卿爲朕撫和之卽遣守忠權知興元於是移守漢州時王師未還供億倍費公帑不足守忠助以私錢上每遣使必戒之曰安守忠在蜀能自律已汝見當效其爲人